

欽定大清會典事例

欽定大清會典事例卷四百五十七

禮部

喪禮

聖祖仁皇帝大喪儀一

聖祖仁皇帝大喪儀。康熙六十一年十一月十三日。聖祖仁皇帝崩。小斂時。凡帶履之屬。

世宗憲皇帝皆

躬奉首戴以進敬體

聖祖仁皇帝孝思用

孝莊文皇后昔時所賜冠服。十四日

諭

皇考教養文武大小臣工六十餘年。孰不躬沐

深恩。今一旦

升遐。衆心哀慟切至。大斂時。著令王貝勒貝子公文武大臣皆入乾清門內。令其瞻仰。得盡哀戀之情。○是日奏儀節內。公主福晉咸於

乾清宮丹墀齊集。奉

旨。

皇考之女。朕兄弟之福晉。豈可遠列丹墀。朕心不忍。著仍入大內。親近

梓宮。使得盡哀。朕之兄弟子姪。亦皆令入乾清門。在丹

陸上隨朕行禮。

嗣後公主近支王公福晉夫人咸齊集於几筵殿前。

○是

日。行大斂禮。

大駕鹵簿全設。

世宗憲皇帝截髮辮。

諸皇子截髮辮成服既斂奉

梓宮於

乾清宮中設

几筵。乃奠。以東廡為倚廬。建丹旒於

乾清門外之左。

簡命王公大臣恭理喪儀。並

簡進爵大臣凡入

乾清門陳設官員執事人等皆豫行奏

聞並令直班之班領侍衛隨入

孝恭仁皇后

孝敬憲皇后

妃

嬪公主

皇子福晉均於是日翦髮摘耳環成服。王以下文武各官內務府官員等公主和碩福晉以下宗室命婦佐領三等待衛命婦以上皆截髮成服。

罷黜宗室官員及閒散覺羅人等亦准成服外  
國貢使及外藩公主福晉等額駙王公台吉等  
在二十七日内至京者成服二十七日後至京  
者男摘冠纓女去耳環三日專司

太廟

堂子

奉先殿祭

神殿

陵寢祭祀事務男婦內監及出征在軍營官兵家屬皆  
停給孝服本人父母新喪兒女出痘暫免成服

○十五日。行朝奠禮。至日中。至晡時。禮皆如之。  
齊集王以下文武各官。公主福晉以下命婦等  
皆隨行禮。○是日冬至。大祀

園丘。照常奏樂。遣官分獻。陪祀執事各官。咸朝服將事。

○初喪三日內。每日哭臨三次。王以下入八分  
公以上內大臣內閣大學士學士前鋒統領護  
軍統領上三旗都統副都統侍衛等內務府官  
員於

乾清門外。五旗都統副都統各部院滿漢大臣以  
下。有頂戴官員以上。各依班次齊集於

景運門外。在內公主福晉等乘馬至。

蒼震門入內。五旗王福晉郡主等乘馬依次進至隆宗門入內。大臣命婦等步行依次進至。

隆宗門哭臨。均由

神武門出入。值大臣命婦官員妻不齊集之日。右翼滿漢官員仍於

隆宗門外序立。俟朝夕奠祭酒。隨班舉哀畢退。

第四日。王貝勒貝子公等。公主福晉等在府第齋宿。部院職事官在本衙門齋宿。散秩官在

午門外齋宿。仍每日哭臨。凡二十七日而止。

自初喪日



始。○王以下文武官員以上。一年內不作樂。百  
日內不嫁娶。在京軍民人等。二十七日內摘冠  
纓。服素服。百日內不作樂。一月內不嫁娶。二十  
七日不祭神。凡候選候補文武官員舉貢監生  
吏典僧道官素服。齊集順天府。朝夕哭臨。凡三  
日。○二十七日內各部院文移皆用藍印。惟奏  
章過十五日後用硃印。

詔旨藍筆批答。京城寺觀各聲鐘三萬杵。○十六日頒  
遺詔。禮部遵例奏進儀節。

諭王大臣禮部

遣詔自宮奉出。朕豈可安處。苦次應作何行禮。公同議奏。欽此。遵

旨議定。

遣詔奉出時。

聖駕在

乾清宮外。東立西嚮。大學士謹奉

遣詔由中道出。

聖駕跪候過。回苦次。大學士奉

遣詔至

乾清門外。授禮部堂官。禮部堂官三叩跪接。由中

道出

午門至

天安門外。安設層臺上。張黃蓋。親王以下滿漢文武各官三跪九叩。聽宣讀畢。齊立舉哀。復行三跪九叩禮。禮部官奉

詔設龍亭內。由中道出

大清門。至禮部。騰黃刊刻。遣官頒行天下。○領兵諸大臣各於

遺詔到日。皆摘冠纓素服。跪接進營。行三跪九叩禮。跪聽宣讀畢。興舉哀。復行三跪九叩禮。官兵摘冠

遺詔到日。皆摘冠纓服。編素。跪接至公署安設。三跪九叩。跪聽宣讀畢。興舉哀。又三跪九叩。成服。朝夕哭臨三日。至二十七日除服。官員命婦亦素服。二十七日。官員一年內不作樂。百日內不嫁娶。軍民人等及妻。二十七日内素服。不祭神。百日內不作樂。一月內不嫁娶。凡有頂戴官員及舉貢生監吏典僧道官戚素服。於各該衙門齊集。三日內朝夕哭臨。督撫提鎮及三司官悉免進香。○又

諭蒙古王台吉等。

皇考時。凡有大事。未出痘者不令來京。朕仰遵

皇考愛恤外藩至意。著行文各蒙古。未出痘者不必來

京。

遺詔二十七日除服十八日。

諭諸王大臣等。朕凡事無不遵奉

皇考遺旨。但持服乃人子之道。二十七日服制。朕斷然

難從。若此事朕不得行其志。必至慙恨無已。爾等宜

體朕意。十九日奏。本月二十日。

紹承大寶。行祇告禮。其朝奠應遣官恭代奉

旨。朕仍親奠。明早上食時。朕祭酒畢。旁立。俟徹奠。案後。再行祇告禮。○二十日。

命總理事務王大臣等恭擬

大行皇帝尊諡

廟號。○二十一日。諸王大臣等以萬幾至重。難以久曠。請遵

遺詔。二十七日除服。奉

諭。除服之制。以日易月。雖始於漢文。而高宗諒陰三年。獨非古制乎。朕不能上比高宗。而思慕之情。何能自已。揣爾等惟恐過勞朕躬。殊不知有服朕尚可稍延。

饘粥。暫眠苦塊。若必強朕除服。必致寢食皆廢矣。

皇考遺命。一句一字。朕無不拳拳服膺。止此二十七日除服之。

詔。非敢故違。而罔極深恩。哀思迫切。雖蹈違

命之愆。亦不恤也。朕言及此。曷勝嗚咽。實不能悉朕之悲思。爾諸王大臣。其諒之。○二十三日。行殷奠禮。羊酒饌筵各祭物如數陳。

冠服於

几筵。鹵簿全設。王以下大臣官員以上。公主福晉以下大臣命婦以上。照常齊集。設饌案於

乾清宮

几筵前。設隨饌筵於月臺上。

御道左右。設祭文案於

宮廊之西檐下。是日早。禮部尚書恭奉祭文。侍郎

前導。由

乾清門中門入。設西檐下黃案上。至時。奏請

世宗憲皇帝詣

梓宮前。東立西嚮。舉哀。視陳設祭饌。上食畢。執事官進

奠几於正中。讀祝官奉祭文跪。

世宗憲皇帝跪。衆於齊集處隨跪。哀暫止。讀文畢。舉哀。



世宗憲皇帝祭酒三爵。每祭一拜。衆隨行禮畢興。乃徹祭饌。讀祝官奉祭文。禮部堂官前導。送至景運門外燎位。於左旁立。內監等恭舉

冠服由中門出。自丹陛起。內大臣十人恭導。由

乾清門中門出。齊集之王公大臣皆跪。候過隨行至燎位。承奠王祭酒三爵。跪叩時。衆隨行禮舉哀。禮畢。衆皆退。○是日。諸王大臣等考據古今喪服典禮。合辭虔懇奏稱。從來天子之孝。與士庶人不同。孝經云。天子以德教加於百姓。施於四海為孝。書稱高宗諒陰。晉臣杜預謂是釋服

後心喪之文。蓋以人君一身。為郊廟社稷之主。祭為吉禮。必於除服後舉行。若二十七日不即除服。則祀典不免有缺。

大行皇帝聖學淵深。若易月之制。可以更易。豈肯於遺詔中諄諄垂訓。伏乞上思。

郊

廟神靈之所倚賴。下念中外臣民之所託命。勉遵遺詔。俯順輿情。疏入。復叩首固請。始奉

旨。朕覽諸王大臣所奏。引經據書。義理明晰。朕惟有嗚咽悲慟耳。始知為君之難。止此持服一節。乃天子第

一苦衷轉不如臣庶尚能各盡其心。雖勉從所請。朕之哀思。因茲愈切矣。欽此。二十七日。

世宗憲皇帝釋縞素。仍素服。至雍正三年八月二十一日。

孝恭仁皇后服闋後始釋。○二十四日。總理事務王大  
臣內閣禮部翰林院奏請

親定

大行皇帝尊諡

廟號奉

諭。朕思子臣尊崇

君父之心。何有止極。然必至允至當。方孚千秋定論。我  
皇考續繼大統。本應稱宗。但經云祖有功而宗有德。我  
皇考鴻猷駿烈。冠古燦今。拓宇開疆。極於無外。論繼統  
則為守成。論勳業則為開創。朕意宜崇

祖號方副

豐功。但追崇大典。理應僉謀共協。一人之心。即千萬人  
之公心。一時之論。即千萬世之公論。爾諸王大臣等。  
可會同九卿翰詹科道文六品以上武四品以上詳  
考舊章。從公確議。○二十六日。諸王貝勒貝子公文  
武大臣官員等奏恭擬

尊諡曰

合天弘運文武睿哲恭儉寬裕孝敬誠信功德大成仁  
皇帝。

廟號曰

聖祖。天下萬世稱曰

聖祖仁皇帝。奏入奉

諭。諸王大臣官員。深悉我

皇考。一生神聖實行。同心合辭。恭上

尊稱。甚愜朕意。因

親刺指血。將本內

聖祖字圈出。恭奉授大學士等齋出。○十二月初一日。  
行啟奠禮。陳設禮儀與殷奠同。○是日。

諭近支王等曰。

皇考明年七旬大慶。吾兄弟方思以

萬壽聖節。在暢春園供奉甘旨。與四海臣民共效無疆  
之祝。豈意今年此日。乃於乾清宮作如此陳設耶。言  
念及此。心肝摧裂。因大慟不止。諸王皆伏地號泣。○  
嚮夕。復於

乾清宮陳設果饌。並隨筵二十七席。

世宗憲皇帝詣

几筵前躬奉酒饌。跪而勸侑。慟哭失聲。○初三日。行奉移禮。鹵簿全設。至時。

世宗憲皇帝詣

梓宮前。祭酒三爵畢。退立東旁。跪候奉移。

梓宮侯過。隨行至。

景運門外。

梓宮升大昇舉。

世宗憲皇帝西嚮。跪舉哀。禮部堂官祭舉。祭酒三爵。行

三叩禮。衆隨行禮畢。

靈駕發。

世宗憲皇帝於左隨行。每昇校更班時皆跪候。內大臣侍衛在

乾清門外分翼齊集。王以下公以上在

東華門外南池口齊集。左翼大臣官員等在

東安門內大街齊集。漢大臣官員在騎河樓路口

齊集。右翼大臣官員等在

景山東門北齊集。皆候

靈駕至。跪舉哀。俟過隨行。

孝恭仁皇后

孝敬憲皇后



妃

嬪等自

順貞門升輿。在

壽皇殿祇候。在內福晉公主等豫在

壽皇殿大門內。在外福晉以下官員命婦以上豫往

壽皇殿大門外西牆序立。內務府官員妻亦豫往。在命

婦後序立候。

靈駕至。咸跪舉哀。王公內大臣大學士前鋒統領護軍

統領上三旗都統副都統侍衛等內閣學士內

務府官員等於

景山東門內分班序立舉哀。五旗都統尚書漢大臣至有頂戴官員均於

景山東門外分翼序立。舉哀候過。昇舉夫役八班。首班末班以鑾儀衛校尉八十人。餘班每班八十人。選五城民夫充當。又以民公侯伯一等待衛以下。參領輕車都尉以上。給事中御史郎中以下。員外郎等官。以上每班令八人管轄。鑾儀衛官四人。更番指示進退。昇丹旒每班三十二人。以部院官四人。內務府官四人管轄。凡過門橋。遣內大臣祭酒。

震駕至

壽皇殿大門。

世宗憲皇帝於東旁跪迎。

梓宮入殿安奉。設

几筵畢。

世宗憲皇帝祭酒三爵。舉哀。齊集王以下公主福晉以

下皆跪隨舉哀。行禮畢。焚楮錠丹旒。自是

世宗憲皇帝每日黎明詣

壽皇殿上食三次。退於

觀德殿席地而坐。有應奏之事。即於

觀德殿進奏。至晡奠畢。乃還倚廬。

每日陳設。鑾駕。鹵簿。二次。一月後止。凡奠獻時。遣近支王等輪流祭酒。內府三旗佐領。內管領。下官員執事人。護軍領催。並

安於門外分班序立。祭酒時。隨叩舉哀。○是日。九卿詹事科道議

覆元旦

萬壽冬至。撰擬表式頒發。奉

旨。現今哀慟之時。朕豈忍升殿受賀。元旦冬至賀表。應

俟雍正二年舉行。至萬壽表。非過二十七月。斷不可

頒發。諸王大臣。即強行再奏。朕亦必不允從。○初五

日。行初祭禮。羊酒饌筵各祭物如數陳

冠服於

几筵設

大駕鹵簿於

壽皇殿門外。和碩親王以下。內大臣大學士侍衛等。民公侯伯侍郎以上在。

壽皇殿大門外分翼排立。四品官以下有頂戴官員以上在。

景山東門外分翼序立。近支王等福晉公主等在。

壽皇殿內。諸王福晉以下。一品夫人以上在。

壽皇殿大門內西牆外。三旗官員命婦等在。

壽皇殿大門外西角。各序立。設饌案於。

壽皇殿中。排列隨饌筵於丹陛左右。設祭文黃案於西檐下。是日早。禮部尚書恭奉祭文。由大門中門入。奉安於西檐下案上。至時。奏請

世宗憲皇帝詣

几筵前。舉哀。視陳祭饌。親上食畢。執事官進奠几於正中。讀祝官奉祭文。跪。禮部堂官二人左右跪。展祭文。

世宗憲皇帝跪。衆隨跪。哀暫止。讀文畢。舉哀。讀祝官奉祭文。復於案退。

世宗憲皇帝祭酒三爵。每祭行一拜禮。衆隨行禮。復位。

乃徹祭饌。讀祝官恭奉祭文。禮部堂官前導。送燎位於左旁立。內監等恭奉。

冠服由中門出。自丹陛起。內大臣十人恭導。由

壽皇殿大門之中門出。王以下大小官員以上皆跪候。過隨行。至燎位奉安畢。遣官祭酒三爵。跪叩時。衆隨行禮畢。各退。○次日繹祭。內務府禮部工部堂屬官及內務府官員命婦咸齊集。陳設禮儀。與順治十八年禮同。○初八日奏准。

梓宮應照欽天監選擇日期起。敬謹漆飾四十九次。○

初九日。行大祭禮。陳設禮儀。與初祭同。○是日。

滿二十七日。衆除服。

世宗憲皇帝詣

几筵前。祭酒三爵。釋編素。先是王大臣奏請二十七日  
後。

御居乾清宮。奉

諭。朕思

皇考六十餘年所御宮殿。朕即居住其中。心甚不忍。朕  
意欲居月華門外養心殿。著將殿內向日一應陳設。  
敬謹收撤葺改。務令整素。以備朕居。朕不敢謂遵古  
諒陰之禮。然必如此守孝二十七月。以盡朕心。是日



從倚廬移

御養心殿齋居素服三年如一日。○初十日釋祭。陳設  
禮儀與前釋祭同。○十三日行周月禮。王以下  
大小官員咸齊集行禮致祭。儀與初祭同。後凡  
遇周月致祭。儀皆同。○理藩院奏外藩教漢王  
等請謁

梓宮奉

旨。著禮部引入進謁。嗣後蒙古絡繹來者。皆引進叩謁  
梓宮。○二十九日行歲暮禮。陳羊酒饌筵各祭物如數。  
王以下大臣官員以上咸齊集。儀與初祭同。○

雍正元年。正月初一日黎明。

世宗憲皇帝詣

壽皇殿大門行禮。內外停止舉哀。○二月初九日。

陵寢動土。前期三日。遣官祇告

孝誠仁皇后。

孝昭仁皇后。

孝懿仁皇后。又遣大臣二人祇告

后土

昌瑞山神。○十九日。恭上

聖祖仁皇帝尊諡

廟號。先是禮臣以恭上

尊諡儀節具奏奉

旨。所議儀注內。並未議及朕躬行禮之處。凡閱

壇

廟祝帛。悉皆行禮。今閱

聖祖仁皇帝冊寶。亦當行禮。為是酌議具奏。欽此。遵  
旨議准。前期三日。齋。前期一日。遣官各一人。祇告

天

地

太廟後殿

奉先殿

社稷至期。

壽皇殿大門外陳設

大駕鹵簿。

几筵前點香燭。供果品十二盤。禮部太常寺官設

冊案於香案左。設

寶案於香案右。再設一案於東。鴻臚寺官設二案於

太和門外階上正中。

冊案在左。

寶案在右。鑾儀衛官設綵亭二於階下。

冊亭在前。

寶亭在後。禮部堂官二人豫奉絹

冊

寶奉安於綵亭內。執事大臣官員在階下立。內閣大學士二人自內閣恭奉香

冊

寶奉安於各案上。行一跪三叩禮退。執事官豫設拜褥於門之正中。禮部堂官奏請

世宗憲皇帝素服乘輿出宮。至

太和門北階下降輿。

御太和門恭閱

冊

寶畢就拜位行一跪三拜禮興東次西嚮立大學士二

人詣

冊

寶案前各行一跪三叩禮興恭奉

冊

寶由中階降奉安綵亭內行一跪三叩禮興校尉昇亭

前列黃蓋

御仗啟行禮部堂官奏禮成

世宗憲皇帝升輿還宮。豫至。

殯殿倚廬恭候。大學士及執事官員俱隨綵亭後行。王以下入八分公以上於

協和門外按翼序立。民公侯伯以下滿漢文武四品以上官豫集。

景山東門外按翼序立。候綵亭至。跪候過。隨入綵亭由

景山東門進至

壽皇殿大門外。

御仗綵亭止。禮部堂官二人奉絹

冊

寶先入。奉安於各案上。退。大學士二人詣各綵亭前行。  
一跪三叩禮。恭奉香。

冊

寶。禮部堂官前引。奉。

冊。大學士在前。奉。

寶。大學士在後。由中門中路入殿中門。奉安於東案上。  
行一跪三叩禮。出。立於東檐下。屆時。禮部堂官

奏請

世宗憲皇帝升輿。至。



壽皇殿大門外降輿贊引官二人恭導由大門左門入殿左門至正中北嚮立鴻臚寺官引王以下入八分公以上由大門左右入進至階下民公侯伯以下滿漢文武四品官以上在大門外均按翼序立典儀官唱執事官各共乃職贊引官奏就位

世宗憲皇帝就拜位立奏跪拜興。

世宗憲皇帝率羣臣行三跪九拜禮興奏跪。

世宗憲皇帝跪衆皆跪典儀官奏進

冊奉

冊大學士詣

冊案前恭奉香

冊箱由左旁跪進

世宗憲皇帝受

冊拱獻畢授右旁禮部堂官跪接興恭設於

冊案上行一跪三叩禮退奏進

寶大學士詣

寶案前恭奉香

寶盞由左旁跪進

世宗憲皇帝受

寶拱獻畢。投右旁禮部堂官跪接興。恭設於

寶案上。行一跪三叩禮退。奏宣

冊宣

冊官詣

冊案前跪奉絹

冊出匣。宣畢。奏宣

寶宣

寶官詣

寶案前跪奉絹

寶出匣。宣畢。同盛入匣內。各行三叩禮退。贊引官奏跪

拜興。

世宗憲皇帝行三跪九拜禮。王以下各官皆隨行禮畢。乃行致祭禮。奠帛讀祝三獻爵。均如儀。禮畢。奉

冊

寶官奉祝帛。官各恭奉由中門出。送詣燎位。贊引官恭導。

世宗憲皇帝至東旁立。俟

冊

寶祝帛過。復位立。鴻臚寺官引諸王大臣避於兩旁。贊

引官奏禮成恭導。

世宗憲皇帝出。升輿還宮。東官按翼從。左右門出。各退。

次日

頒詔天下。其祇告

天

地

太廟

社稷。遣官及執事各官。咸朝服祇告。

奉先殿。遣官咸補服。

几筵前奉

冊

寶大臣執事官員及齊集王公大臣官員。皆素服行禮。

欽定大清會典事例卷四百五十八

禮部

喪禮

聖祖仁皇帝大喪儀二

雍正元年二月二十三日。行百日禮。陳羊酒饌。筵各祭物如數。王公大小官員咸齊集。儀與初祭同。○三月初一日。行清明禮。不焚楮帛。進挂楮錢寶花一座。陳饌筵二十五席。羊九。酒十三尊。和碩親王以下鎮國將軍以上。民公侯伯以下子以上。咸齊集。行禮祭酒如儀。○十七日。朝鮮國所貢祭品香燭。設

几筵前。楮帛積燎位。王以下滿漢文武四品官以上在壽皇殿大門外齊集。按翼排班。朝鮮使臣戴展翅烏紗帽素服角帶。鴻臚寺官引立右翼班末。祭時引來使於儀仗之南北嚮立。贊行三跪九叩禮。退立原處。讀祝官讀祝文。王公各官咸跪。引使臣至拜位北嚮跪。遣官於祭案末正中奠案前跪。讀祭文畢。祭酒三爵。每祭行一叩禮。王公各官及使臣咸舉哀。隨行禮。復贊來使行二跪六叩禮。退立原處舉哀。讀祝官奉祭文送至燎位。衆皆退。○是日尊



聖祖仁皇帝陵為

景陵。○二十五日。行祖奠禮。陳羊酒饌筵各祭物如數。儀與啟奠同。○是夕。復陳果饌。並隨筵二十七席。

世宗憲皇帝詣

几筵前。跪獻舉哀。○二十六日。奏。欽奉

上諭。詳考題主禮儀。今案禮書。既葬。藏明器。下誌石。復土堅築。乃題主。奉神主升車反室。蓋未葬之前。事以生禮。既葬之後。奉以神道。謹議於

梓宮奉安

地宮之後恭題

太廟神主禮成。奉安黃輿。令親王大臣等敬奉回京。奉旨。明季帝王。皆不親送梓宮。故令親王大臣奉主回京。朕既親往。若不親奉。

神主而歸。於心何安。俟

山陵事畢。題

主禮成。朕親奉

皇考神主還京。○發引日。奏派近

靈駕行走王公姻戚。○大葬前期。開列有執事王公大

臣並禮工二部內務府總管及姻戚大臣職名

請

旨。欽命者方得入

地宮執事。並開列管押匠夫官四人職名。及匠夫人數具奏。其執香鐙內監。交總管內監等奏除內監十人。此外不得擅入。○二十七日。恭移

梓宮。送往

陵寢。沿途分定五程。每宿次蓋造

盧殿。繚以黃幔城。城前設旌門。張黃次於百步外。三面設網城。連帳前。左右設下馬黃柱各一。第六日

至

陵寢暫安奉於

陵寢饗殿前期三日遣官各一人祇告

天

地

太廟

社稷

后土

昌瑞山神。是日鹵簿全設。昇大昇。舉校尉民夫一百

二十八人。首班末班用校尉。餘用近畿民夫。共分六十班。日用

三十班。每班備四人。計夫役七千九百二十人。

城夫鄉夫。除給衣履盤費。第一日仍用八十人。  
外。仍免其本身一年丁銀。直隸總督率司道府州縣等官管轄。會同在京  
三品京堂以下科道主事以上。八旗遴選公侯  
伯以下雲騎尉以上。及前鋒參領護軍參領副  
護軍參領副參領上三旗一等待衛。下五旗王  
府長史散騎郎一等護衛等官。每班各四人管  
轄。工部夫頭四人。備四人。分為兩班。輪擊響尺。  
節示進退鑿儀衛官更番指示。後皆仿此。奉

冊

寶於綵亭內。王以下內大臣侍衛滿漢大學士以上。及

內務府官在

壽皇殿大門外齊集。滿漢二三品官在

景山東門外齊集。四品以下有頂戴官在城外關  
廂內齊集。在內公主近支福晉等在

壽皇殿內齊集。諸王福晉以下一品夫人以上在

壽皇殿大門內西牆齊集。內府婦女在

壽皇殿大門外西牆齊集。至時。

世宗憲皇帝詣

梓宮前祭酒三爵。每祭行一拜禮。衆皆隨行禮。舉哀禮

畢。奉移

梓宮。

世宗憲皇帝先詣大門東旁立候。

梓宮出跪舉哀興。

梓宮登大昇輦。

世宗憲皇帝跪於左。禮部尚書祭舉。三祭三叩興。

靈駕發。

世宗憲皇帝隨出。

景山東門。先詣宿次祇候。

孝恭仁皇后

孝敬憲皇后

妃

嬪以下皆出

景山西門。由別道先至宿次祇候。應留京王以下大小官員等隨行出城外關廂。在齊集處按翼排班跪送。舉哀候。

靈駕過各退。應隨送王以下大臣官員等於過關廂後乘馬隨行。內監每班十人。侍衛每班二十人。咸更番在

靈駕兩旁隨行。近行王大臣侍衛內監等皆近靈駕隨行。恭理喪儀王大臣。內務府工部鑾儀衛堂官



在

靈駕前後兩旁巡察隨行。每校尉更班時。隨行王大臣侍衛內監等。皆下馬跪。俟更班畢。仍在原處隨行。其次隨

靈駕豹尾班內大臣侍衛隨行。其次二班侍衛隨行。其次王以下大小官員隨行。沿途遇門橋。遣內大臣二人輪流祭酒。焚楮錢。

靈駕將至

蘆殿。王以下各官至第七班。豫往序立。恭候

靈駕至宿次。

世宗憲皇帝於黃幔城北門外跪迎舉哀。王以下各官咸排班跪迎舉哀。

靈駕由北門進

盧殿衆於黃幔城左右繞至大門外分翼序立。陳鹵簿於門前安奉

靈駕列

冊

寶於左右。乃行夕奠禮。

世宗憲皇帝祭酒。衆隨行禮舉哀畢。各退。○在途每日早。陳設儀仗。王公百官齊集。恭奉

冊

寶安奉亭內。行朝奠禮。

世宗憲皇帝祭酒三爵。衆隨行禮舉哀。跪送。

靈駕發。王以下大小官員等。分翼跪舉哀。候過隨行。

世宗憲皇帝仍先詣宿次。至

盧殿敬視陳設。跪迎。安奉

靈駕。行夕奠禮。儀與初啟行同。○沿途百里以內文武

官。在路右百步外跪迎。舉哀候過。隨至宿次。於

黃幔城門外行三跪九叩禮。夕奠時。文官在正

藍旗末。武官在鑲藍旗末序立。隨班行禮舉哀。

○四月初二日。

靈駕將至

景陵。

世宗憲皇帝先恭謁

暫安奉殿

孝陵

孝東陵

孝誠仁皇后

孝昭仁皇后

孝懿仁皇后陵寢。行禮畢。至紅門內更衣殿祇俟。

孝恭仁皇后率

孝敬憲皇后

貴妃等次第謁

陵禮畢於

陵寢大門之西所設黃幔城內祇俟。是日凡

陵寢不直班官員咸於興龍口之外排班跪迎。

靈駕至。舉哀候過隨後行。

世宗憲皇帝於紅門外跪迎舉哀候過徒步隨行。

靈駕入東門東柵門由甬道行至七洞橋北由

景陵甬道至三洞橋南。

降大昇輦時。跪於左旁。候

梓宮升小輦。豫進大門內東旁跪。候過輿。

梓宮安奉。設

几筵畢。內務府禮部堂官奉

冊

寶列於左右。

世宗憲皇帝祭酒。行三拜禮。衆隨行禮舉哀畢。各退。○

又

諭。扈從諸王滿漢大臣。前在京師。原議明日祭畢回京。

朕親送

梓宮。沿途於大禮雖獲免闕遺。而思慕未有窮期。哀慟何能自己。若明日即叩別。

梓宮實為不忍。朕欲留住。

山陵數日。然後回京。爾諸王大臣務體朕意。再議具奏。諸王大臣等合辭固請。奏稱。

聖駕奉

皇太后在此。若不回鑾。

皇太后亦必愈加哀慟。所關甚重。懇請仍照原議。○初三日。行暫安奉禮。陳羊酒饌筵各祭物如數。鹵簿全設。扈從王公大小官員及外藩諸臣咸齊。

集。排班行禮。讀祭文致祭。

世宗憲皇帝恭送

冠服於燎所。祭酒盡哀。是日

回鑾。○初九日。總理事務王大臣奏請

御門聽政。奉

旨。諸王大臣所奏。雖是我

皇考梓宮尚在饗殿。朕即臨御正門聽政。心實不安。念  
皇考付託重大。節養朕身。至一切禮儀。多有未盡。每以  
天下萬民。事關緊要。勉強照常辦理。亦無貽誤。臨御  
正門聽政。俟



梓宮奉安地宮後舉行。○十一日。王大臣等復合辭固請。以理制情。擇期聽政。用慰中外臣民之望。乃勉從衆請。○十五日。恭奉

聖祖仁皇帝御容於

壽皇殿。凡平日圖書器用服御之物。悉陳左右。自是每

逢朔望及四時節序。

世宗憲皇帝必親詣行禮。○先是

孝恭仁皇后自

聖祖仁皇帝升遐。哀慟過甚。

體常違豫。及

親送

聖祖仁皇帝梓宮至

陵事畢回京。積哀莫解。至是疾大漸。五月二十三日。  
慈馭上賓。

世宗憲皇帝擗踊號慟。連辰達旦。奉安

梓宮於

寧壽宮中。在

蒼震門內設倚廬以居。○七月十五日。遣官詣

景陵饗殿行中元禮。陳設禮儀。與順治十八年中元同。

○八月十八日。奉移

孝恭仁皇后梓宮。

世宗憲皇帝親送至

景陵。○二十四日。

世宗憲皇帝恭謁

暫安奉殿

孝陵

孝東陵行禮祭酒舉哀。遂詣

景陵。至

饗殿

几筵前。行禮祭酒舉哀畢。至黃幄內。恭候

孝恭仁皇后梓宮安奉畢。乃出。○二十五日。

世宗憲皇帝詣

景陵。先於

聖祖仁皇帝几筵前上食奠獻。旋詣

孝恭仁皇后几筵前行暫安奉禮。讀文致祭畢。乃出。傳

旨。翼日仍詣

景陵。

景陵饗殿內。原奉

孝誠仁皇后

孝昭仁皇后

孝懿仁皇后神位。暫移於東一間暖閣。恭修加上  
尊諡

廟號神牌。

聖祖仁皇帝梓宮奉安殿中。於殿左恭造

廬殿奉安

孝恭仁皇后梓宮陳設

几筵咸如儀。○二十八日。

諭大學士等。點主一事。所關甚重。古人必取名望素著  
德性純粹者充此職。今爾等位既貴顯。人品皆優。故  
簡命爾等。當體朕敬重之誠。勿視為差委故事。誠意

所聚儼若

聖祖神靈洋洋如在筆間。方副朕一片孝思。○二十九日。行祇告大葬禮。

聖祖仁皇帝鹵簿全設。

孝恭仁皇后儀駕全設。扈從王以下官員及守陵大臣官員大臣命婦官員妻等咸齊集。至時。

世宗憲皇帝詣

饗殿於

聖祖仁皇帝几筵前。讀文致祭。奠獻行禮畢。詣

孝恭仁皇后几筵前。讀文致祭。奠獻行禮畢。乃暫出。至

隆恩門外。帳次。俟徹祭品。少頃復入於

聖祖仁皇帝梓宮前祭酒。奉移時。

聖駕前行。至

明樓前

虛殿。恭奉

聖祖仁皇帝梓宮。奉安於龍輔畢。復至

孝恭仁皇后梓宮前祭酒。舉哀。奉安於

聖祖仁皇帝梓宮之右。均北嚮。

冊

寶各設於

梓宮兩旁。行奠獻禮。

聖祖仁皇帝諸皇子皇孫及向日親近大小臣工。皆得

入

廬殿瞻仰

梓宮。○是日焚儀駕鹵簿。○九月初一日。恭奉

梓宮安葬

景陵。是日早。

世宗憲皇帝詣

景陵行奠獻禮。

聖祖仁皇帝皇子皇孫及向日親近大小臣工。皆



命至

盧殿內瞻仰。

梓宮。

駕至

盧殿內跪撫

梓宮。擗踊哀慟。欽天監奏報吉時。乃於

聖祖仁皇帝梓宮前祭酒三爵。次於

孝恭仁皇后梓宮前祭酒三爵。各行三拜禮畢。至

陵寢門外。嚮北跪哭以俟。諸臣恭率校尉先奉

聖祖仁皇帝龍輅入

地宮。次奉

孝恭仁皇后龍轎入

地宮。奉安

梓宮於

寶牀。陳

冊

寶於各石案畢。掩閉

元宮石門。

世宗憲皇帝於祭臺前祭酒三爵。行三拜禮。衆隨行禮。

舉哀畢。乃出至幄次。俟

隆恩殿陳設俎豆牲牢畢。禮部堂官奏行恭題

神主禮。鑿儀衛豫設黃輿二於

隆恩殿前丹陛之下。內府官設奉

神主龍鳳寶座各一於

隆恩殿內。一正中。一居右。前設供案。又前設香案。均南

嚮。設恭題

神主案二於香案之旁。一在東。西嚮。一在西。東嚮。設安

神主櫝案於

寶座兩旁南嚮。設

御拜褥於正中。至時。

世宗憲皇帝龍袍袞服。滿漢大學士各二人朝服。執事官陪祭官。威蟒袍補服。贊引官二人導。

聖駕由

隆恩門左門入。升正面左階。進殿左門。至中北嚮立。鴻臚寺官引王以下入。八分公以上。由左右門。升左右階。至丹陛上立。文官五品。武官四品以上。在丹陛下。按翼序立。恭奉。

神主大臣二人。就案上啟。櫛奉。

神主各設左右黃案上。東西嚮。滿漢大學士各詣案前。一跪三叩興。各就位。於。

神字空處。恭點石青畢。退立兩旁。二大臣恭奉神主。各跪安於龍鳳

寶座。三叩退。乃行虞祭禮。上香奠帛讀祝。三獻爵送燎。均如常儀。禮成。鑿儀衛堂。官率校尉舁黃輿於月臺上。一設正中。一設於右。均南嚮。太常寺官跪奏恭請

聖祖仁皇帝神主

孝恭仁皇后神主升祔

太廟。

世宗憲皇帝詣

寶座前一跪三拜。恭奉

聖祖仁皇帝神主。大學士恭導。由

饗殿中門出。奉安於正中黃輿內。親王一人恭奉

孝恭仁皇后神主隨出。

世宗憲皇帝奉安

聖祖仁皇帝神主畢。親王奉安

孝恭仁皇后神主於右旁黃輿內。退至正中。一跪三叩。

興。轉立東旁。校尉昇行。黃蓋

御仗內大臣十人。大學士四人。及禮部堂官前導。

神主黃輿過。

世宗憲皇帝跪。王公各官皆隨跪。候過興。隨行至  
隆恩門中門。

聖駕由東門出。先詣宿次。恭俟。途次按程設黃幄。奉  
聖祖仁皇帝神主黃輿居左。

孝恭仁皇后神主黃輿居右。執事官各設供案於輿前。  
每案陳果品十二盤。酒三爵。正中設香案。陳設  
畢。禮部太常寺堂官奏請

世宗憲皇帝詣

神位前行夕奠禮。恭導

世宗憲皇帝入黃幄。詣香案前。司香官跪進香。

世宗憲皇帝三上香。就拜位。行三跪九拜禮。禮畢。恭導世宗憲皇帝出黃幄。至升輿處。升輿。還行營。○是日。以山陵禮成。遣官祇告。

暫安奉殿

孝陵

孝東陵。並祭

后土

昌瑞山之神。○初二日。禮部太常寺堂官恭導

世宗憲皇帝至

神主黃輿前。朝奠禮畢。校尉昇行。



世宗憲皇帝仍先詣宿次黃幄祇俟。行夕奠禮如前儀。  
○初三日。朝奠禮畢。

世宗憲皇帝先回京祇俟。遣官一人代行夕奠及次日  
朝奠禮。○初四日。

神主黃輿至京城。由朝陽門入。在京大小官員咸朝服  
跪迎於

大清門外。

世宗憲皇帝御祭服。率王公內大臣大學士侍衛等咸  
朝服。跪迎於

端門之外。隨入

太廟街門。遣王等三人恭請

孝誠仁皇后

孝昭仁皇后

孝懿仁皇后神主奉安於各黃輿內。俟

聖祖仁皇帝黃輿過。

四后神主黃輿以次隨行。至

廟門外。黃輿止。

世宗憲皇帝親奉

聖祖仁皇帝神主。諸王各奉

四后神主入

太廟行

升祔大祭禮。

詳見升祔儀。

○十一月十三日。

聖祖仁皇帝忌辰。

世宗憲皇帝詣

奉先殿行禮。辰時詣

壽皇殿

聖祖仁皇帝御容前行禮。○先期。

特命

皇子詣

景陵。恭代行周年禮。其隨往大小官員。於各部院衙門

照例遣三分之一前往。至是日陳羊酒饌筵各祭物如數。設奠几於

隆恩殿月臺正中。排列隨饌於月臺兩旁。設祭文案於隆恩殿西檐下。禮部堂官恭奉祭文。由

隆恩門中門入。設於案上。諸王公大臣侍衛大學士於

隆恩門外按翼序立。文武官員於三橋前按翼序立。守

陵官員命婦內府婦女咸於大門內西牆序立。至時禮

部堂官引

皇子進至

隆恩門西門。上右階於月臺西邊立。陳設畢。讀祝官奉祝文跪。

皇子詣奠几前跪。衆在齊集處隨跪。哀暫止。讀祭文畢。禮部堂官奉爵。

皇子祭酒三爵。每祭行一叩禮。衆隨行禮畢。徹饌。讀祝官恭奉祭文。禮部堂官前導。恭送燎位。

皇子隨出。至燎所。祭酒三爵。每祭行一叩禮。衆隨行禮舉哀畢。各退。○十二月十五日。工部奏張挂門神對聯。奉

旨。居中宮殿及中門照常張挂。至朕所居之養心殿暨  
宮內各處。皆過三年再行。○二年九月初六日。以元  
旦元夕及慶賀行禮。廷臣朝服日期。奏請奉

旨。俟朕素服三年後。著照所請行。○十一月十二日冬  
至。禮臣請於次日

升殿行禮。奉

旨。去歲冬至。因

聖祖仁皇帝配

天禮成。頒詔天下。是以御殿。今年冬至次日。著停止行  
禮。○十三日。遣官恭謁

景陵行二周年禮。○十二月初十日奏。雍正三年二月十三日。服制已滿。請禘祭

太廟。頒示中外臣民。即吉釋哀。奉

旨。朕受

皇考四十餘年。顧復深恩。罔極莫報。默盡哀情。非謂能行。歷代帝王不能行之事。欲立法定制。以垂令名。昔世祖

聖祖皆以沖齡登極。一時禮制。容或未備。設踐祚之日。已若朕躬之年。則盡禮盡制。必有朕所萬不能逮者。今朕諒陰三年。不過默盡其心。抱歉之處尚多。敢云

盡禮乎。至深山窮谷。無不哀戀思慕。過密八音。此  
皇考六十餘年深仁厚澤。愈久不忘。出於人心之自然。  
非朕有所禁約而然也。所奏著九卿詹事科道會議  
具奏。欽此。遵

旨議准於

聖祖仁皇帝服制滿後。擇吉行禘祭禮。並

敕諭順天府府尹及直省督撫。徧示臣民。舉行吉禮。○

三年。欽天監奏。二月二日庚午。二曜合璧。五星  
聯珠。為四千餘年未有之嘉瑞。諸王文武大臣  
等合辭懇請



升殿受賀。奉

旨。朕惟

皇考六十餘年。敬

天勤民。始終如一。是以

上天申眷。覩此嘉祥。在

皇考為福。鍾喜慶之餘。在朕躬為迎迓

天庥之始。惟期與大小臣工。矢誠心而敦實政。升殿受

賀。不必舉行。但念

天瑞實因

皇考而致。遣官告祭

景陵。○二月十二日。

聖祖仁皇帝服制二十七月期滿。

世宗憲皇帝詣

太廟行禘祭禮。讀祝奠獻。一如歲暮禘祭儀。○十一月

十三日。

聖祖仁皇帝三周年屆期。

世宗憲皇帝率

孝敬憲皇后

妃

嬪等恭謁

景陵致祭。至日。豫設饌案祭文案。禮部堂官恭奉祭文。

由

隆恩門中門入。安奉西檐案上。王公大臣侍衛等豫於

隆恩門外文武官員於三橋南按翼序立。守

陵官員命婦執事婦女豫入

陵寢門內西牆排立。祭前。

孝敬憲皇后

妃

嬪等自行營先至

隆恩門外西旁幄次內候

世宗憲皇帝至

隆恩門外東旁幄次。

孝敬憲皇后

妃

嬪等豫由

隆恩門西門入。至

明樓前祇俟。禮部堂官奏請

世宗憲皇帝由

隆恩門東門升正面左階進

隆恩殿左門。舉哀進茶進饌畢。執事官進奠几於正中。世宗憲皇帝詣几前北嚮跪。衆皆跪。讀祝官奉祭文。至中門闕外正中跪讀。哀暫止。讀畢。大臣進爵。

世宗憲皇帝祭酒三爵。每祭行一拜禮。

孝敬憲皇后

妃

嬪等在

明樓前均隨行禮。諸王大臣侍衛官員等於各排立處隨行禮。禮畢徹饌。讀祝官恭奉祭文。禮部堂官前導。由中門出。送燎所。遣官祭酒三爵。每祭一

叩。王以下官員以上。隨行禮舉哀畢。各退。